


Okutoburukalo san 2013
San 41nan
Boko 501nan
Songo = dorome 35



Te buruju
ye Asi gun
ye

Le 6

Kunnafoniseben bota kalo o kalo - BP : 24 - Téléphone : 20 21 21 04 Kibaru bugufiye, Bosola, Bamako

Desantaralizason lajeba laniniw n'a komageleyali



Lajeba in senfe ben kera komageleyali 32 kan

Desantaralizason lajeba kuncera arabadon okutoburukalo tile 23 san 2013. Tilesabala lajeba in kunceli nemogoya tun be minisiri nemogobolo, Umaru Tatamu li.

Lajekela mogo 600 ni ko de ya baaraw ke. Unana ka bo jamana fan tan ni naani kono, ka bo an

siginognamanaw kono ani dije fan wérew. Mogo faamuyalenbaw ani mogo o mogo sen be desantaralizasonko baaraw la an ka jamana kono, olu bee jera ka baara ninnu ke.

Lajeba in kun tun ye ka feerew tige walasa fanga bolicogo ka ne jamana

kono, k'a sababu ke desantaralizason ye. A kuh do fana tun ye, ka feerew tige, walasa desantaralizason sababuya la, jamana fan tan ni naani bee yiriwacogo ka damakene. O hukumu, kono, lajekelaw ye desantaralizason ka baara kelen fesefese, ka filiw ni sew jate mine ani desekow walasa ka josen kuraw ta minnu b'a to ni desantaralizason be sabati.

Tilesababaara inkono, kulubaaraw senfe ani dantigelikew sigili, kumasenku 10 nognona segesegera, ka kunkunw ni jenjenw bo nognon na. O kumasenku ninnu tun ye : demokarasi sinsinni; fanga bolicogo numan cakedaw joyoro sinsinni ka jesin sigidalamogow ka dinelatige sabatiliko numan ma; sigidaw ni marabolow ka soryyiriwacogo feerew bolodali; desantaralizason keli fanga sigibolo jenjon ye min b'a to ni sigida cebow be se k'u joyoro fa cogo min jamana politikko taabolo bee lajelen na; nafolo ninini n'a donni sigida lakodonnenw yiriwali dafé, k'a bila u

ka bojo kan; sigida ni marabolow ka mogo sugandilenw wotew senfe, olu ka fanga sinsinni; dugutigiw, kabilakuntigwi diine nemogow, ni laadalakow nemogow sen donni jamana politikko la ani fasojobaara bee lajelen; jamana marabolow tigecogo labenni k'u bererebem jamanadenw sago ma ani fanga bolicogo numan; ani jamana ka ciden minnu sigilen be sigida lakodonnenw kunna, olu joyoro pereperelatigeli n'u ka fanga sinsinni; kuma kera nin dakun bee kan, ka benfola, ka benko la.

Lajeba in senfe ben kera komageleyali 32 kan. Okomageleyali dow ye, ka sira korow lajenamaya minnu be se ka fognognok dalasa. Sariya minnu tara, ni baara ka kan ka ken'uye desantaralizason kono, k'olu waleya. Sigida lakodonnenw ka kan ni kalan, donniya, minense ani nafolo minnu ye, fo ka taa se baarakelako ma, o bee ka nini ka di u ma jamana

A to be ne 2nan na

Balikukan ye hadamaden n'a ka hake yiriwalan numan ye

Mali ye balikukan shanyelemajenaje ke alamisadon setanburukalo tile 26 san 2013; k'a sababu ke jamana cogoya ye. N'o te balikukan togoladon keréenkérénne ye setanburukalo tile 8 ye san o san. Alaje nemogoya tun be Kalan minisiri bolo, Madamu Togola Zakelini Nana Jinini ani kalansobaw minisiri Musutafa Diko, Sekoni d'ondonminisiri, Birino Mayiga. Dugubaw joli ani dugubaw kunko jenaboli minisiri Musa Mara kan, ninnu tun b'a kene kan.

Goferenaman sigira a ma meen, minisiribee yere tun ma baara damine folo. O de ye balikukan togoladon wulikajo bo a dogo koro. A daminenha setanburukalo tile 26 k'a kunce okutoburukalo tile 2013. Dije kono, balikukan togoladon masalakun tun ye «Balikukan cogoya san keme 21nan in na». Nka



Mogo miliyon 793 ye kalanbali ye halibi dije kono

Mali'ya ka masalakun keréenkérén ka ben jamana cogoya ma. N'o ye «Balikukan, desantaralizason ani lafiya walasa ka yiriwali kuntaala jan sabati».

Kabini san 1966 fo ka se jinan na, san o san, kalanko fangabolow ani balikukan jekulu be balikukan togoladon wulikajow ke. O kun ye dijema a k'a sendon balikukan senkoromadonni baaraw la. An be don min na, balikukan ye nobo. Dije tonba Onibolofara min nesinnen

be kalanko ani seko ni donko ma n'o ye Inesiko (UNESCO) ye, o'y'a jira ko dije mogo kemesarada la, 84 be se ka gafe kalan ka sebenni ke san 2013 in kono; kasoro san 1990 waati la, mogo hake min tun be se o la kemesarada la o tun ye 76 ye. A ko san 20 in kono, mogo miliyon 100 kalanna ka bo dije mogo kalanbali hake la. Nka hali ni balikukan ye nobo, geleyaw be yen. Mogo miliyon 793 ye kalanbali ye halibi dije kono. Ob'a jira ko mogo duuru o duuru, kelen ye kalanbali ye. Denmisennin miliyon 67,4 fana be yen, olu si sera lakoliladonye; nka u ma don kalan na folo. Minnu yere sera ka don lakoli la olu la, a caman te ka kalan matarafa. U laban be son ka kalan bila joona. Baliku kalanbali miliyon 774 be dije kono, n'i y'o tila kulu 3 ye, kulu 2 ye musow ye. Denmisennin lakoliladonbali fanba fana ye musomanninw ye. O hake min be kalan kun folo la miliyon

A to be ne 5nan na

KONOKO BE NE 8NAN NA

Né folo to

fe. Sigidalakodönnenw yere se befen o fen na, lehpokaniw nlo nogonaw, fo ka taa se yiriwalibaa raw ni balikukan ni lakolikan ni duguyiriwalikalansoko ma, ufana k'u jeniyorfin olu la.

Tubabubaarakela minnu bilala

sigida lakodönnenw ka bolo kan, olu kalanni ka do fara u ka se kan, o fana ninina lajkelaw fe. Sigida lakodönnenw yere dama ce jekabaara, sigikafo ni nogonmagen, o kana kote, fanga kura ka don o la, o sebekoro ninina lajkelaw fe.

Bayi Kulibali
Mahamadu Konta

Kominiw jigiba ye Anisete ye u ka baarabaw waleyali la

Anisete (ANICT) ye cakeda ye, min nesinnen be sigida lakodönnenw ka poroze bolodalenw waleyali musaka boli ma. A dayeléni ni bi ce, a ye meri camanjo. Desantaralizasonanifanga ka cakeaw masurunyali sigidalamogowla, obaaraw daminen san 1992. A dabora olu yew ka se k'u yiriwali baaraw ke. O hukumukon, jamana tilala komini 703 ye; wulakonkomini ye 607 y'ola, serkili 49, erezon (marabolo) 8 ani faaba kelen. Sariya min tara san 1993 feburuyekalo tile 11 n'oye 93.008 ye, o sariyasen folo ye kominiw ka yemara dantige. Nka a ma taa geleyaw ko. Kominiw te ka se k'u ka baara bolodalenw musaka u yere kolo la. Osiratigela, kominiw bennase

ka deme cogodi sabula waritubolo. Anisete sigira sen kan san 2000 o kama. San 2001 ni bi ce, Anisete ye musaka min don kominiw dafe, o ka ca ni sefawari miliyari 165 ye. Obaara dow kera kenyako, kalanko, dunkafa sabatili, nafasroba raw keminew, jiko ani saniyaliko ye. Nin baara bce do kera jamana konyanfan fe. N'i ye komini mume kemesarada, 13,5 be koron fe; n'o ye komini 103 ye 761 cela. NKA musaka min donna o koronfekominiw dafe, o sera sefawari miliyari 30,7 ma. A to kemesarada 86,5 ka deme hake m'o bo Anisete fe. Amara Tarawele min ye Anisete nemogo dankan ye, o yenin kunnafoni in di. A ko mogow k'a faamuya, ko goferenaman ye deme

Mali ka san 2014 baarakenafo bolodara

Nafoloko ani wariko minisiri ye Mali ka san 2014 baarakenafo naniya sirilendajira minisiri towla u ka tönsigi balalen senfe jumadon okutoburukalo tile 4 san 2013. Goferenaman sonna baarakenafo bolodader in ma. Ajiralen b'okon, ko Mali ka san 2014

warisorota hake be se sefawari miliyari 1.518 ani miliyari 116 ma; kasoro san 2013 baarakenafo mabenennenkon, atunye miliyari 1.433 ani miliyari 515 ye. Kemesarada la o ka ca n'o ye ni 5,90 ye.

Musaka mumbe be se sefawari miliyari 1.559 ani miliyari 440 ma; kasoro san 2013 baarakenafo mabenennen na, atunye miliyari 1.465 ani miliyari 75 ye. Kemesarada la a ka ca n'o ye ni 6,44 ye.

Jatemine na, Mali ka san 2014 baarakenafo naniya sirilen be dese ni miliyari 41 ani miliyari 324 ye; kasoro san 2013 baarakenafo mabenennen na, a tun be dese ni miliyari 31 ani miliyari 560 ye.

Korolen, Mali depitebulon de tun be jamana ka san baarakenafo fessefse, k'a dalaben, ka ben a kan, ka goferenamanyamaruya a ka baara ke n'a ye.

Nka ninan, o tena masoro bawo depitebulon benni ci, ka kura sigi. O tuma, depitew ye goferenaman yamaruya a ka san 2014 baarakenafo dantige ani ka baara ke n'a ye.

Adama Jara / Mahamadu Konta

Lasina Jara
Dokala Yusufu Jara

Korofela kunnafoniw

Amirali Giyo nana taama na Mali kono

Arabadon okutoburukalo tile 16 san 2013, Faransi larame nemogoba Amirali Giyo nana taama na Mali kono. A ni Mali sorodasiw ni sorodasi korow ka minisiriso folola ka nogonye ke. O kofe a ni jamanakuntigi Ibarahimou Boubaki Keyita fana ye nogon ye Kuluba pale la. O y'a jansa ni Mali medayiba ye.

Faransi jamanakuntigi Faransuwa Holandiy'akajamana sorodasiw bilali min ke ka na mogow juguw gen ka bo Mali kono san 2013 zanwuyekalo tile 11, Amirali Giyo tun y'o sorodasiw kuntigi ye. O kelebolo-de be wele Operason seriwali. Amirali Giyo ka fo la, mogow juguw y'e muguperen min ke Tumutu sorodasikanda la, uye Gavo bonni min ke ani ka Mali ni Nizeri ce pon min tije kosa in na, k'olu man kan ka bala mogow la. Sabula kele kera nka u bee ma se ka soro.

U to minnu nematununna, olu de be ka bala ka nin waleya jugu ninnu ke. Nka Mali larame ni Opereson seriwali ani Minusima benni a disi da u la u mana ye yoro o yoro la.

Fen min ye Kidaliko ye, o kuma be taakasegin na Malidenw ni nogon ce: Amirali Giyo y'a jira ko Faransi ma yelembolow were si minne ka nesine Kidali ma. A k'a ye Mali kunmabolibaara damine ni naniya kelen min ye kabini zanwuyekalo la, a b'o hakilila kelen kan. N'o ye Mali dugukolo mume lasigirni ye a taya la. A ka fo la, Faransi te Emenela

demebaa ye, a t'a kelebaa fana ye; nka a ko Kidali geleya koni be furake doonin-doonin.

Emenela ni Asiseyyuwa / HCUA

Korofekeler senfe, banbaganci 23 minnu tun minena muguda la, olu bilala arabadon okutoburukalo tile 2 san 2013. Bilali in kera laje do senfe min labenna dunanjiginso do la Bamako. O dunanjiginso in be wele 'Hotel Kepesiki'.

Sedeyawo ka cidenw tun b'a kene kan, ani Cefolila ka ciden, ka fera Wagadugu benkan kolosilijekulu kan ani Kidali jerejekulu.

Laje in nemogoya tun be jamana yemahoronyalenw ka tönbä nemogó ka ciden kerékerénen bolo, Aliberi Koyenderisi.

Korofemarabolow yiriwali minisiri, Seki Umaru Jara, ale min ye bilali in kotigi ye, ale fana tun be laje in kene kan. Kasoladen ninnubilala k'ulateme Minusima ma (Mali demebagaw).

Mali sariyako minisiri, Mohamed Ali Bacili ye bilali in seben bolonbila laje in kene kan goferenaman togo la. A y'a jira ko bilali in nesinen be kasoladenw ma, minnu minena mugudala la. U kiirkun jonjon a da matu la.

Yerefasuw ye mugu jugu peren Cadi sorodasi döw cela

Kelebolow ani sorodasi korow ka minisiri ye jamadenw ni dije mogow tow ladonniya kasaara la min ye Cadi sordasiw soro, Tesaliti jamana.

korofela la arabadon okutoburukalo tile 23, san 2013, nege kane 10nan waati la.

Kolsiliyoro 6 minnu be Tesaliti, ni Cadi sorodasiw dagalen be yen, o döfakelen de tijena terorisw ka yerefasuw fe. Uye mugujuguké ka mobili fa, umogow 4 tun don, k'o boli ka nesin kolosilidaga in ma, k'o peren. Oluyere kera sisiyenka Cadi Sorodasi 2 ni tora a la, ka 6 jogin. Olu la 2 sebekorojoginna. Denmisennin 1 fana ni tora a la, ka denmisennin 1 were jogin.

Mali sorodasi minnu be Tesaliti, olu dagalen be sorodasikan kono. O ni dugu ce ye kilometre 7 ye.

Wulikajo belebele labenna ka nesin kojugukelabaw keleli ma. Kelebo saba farala nogon kan O baara in na :

Faransi kelebolo, Minisima kelebolo, ani Mali kelebolo. Sorodasi 1500 de ye wulikajo in ke jamana korofela la, ka da a kan kojugukelabaw wulilen be u deliko la tuguni, ka da Tesaliti, Tumutu ani Gavo bonni kan u fe. Nin y'a siye folo ye nin nogonna kelebolo ka yereke saharakungo kono, ka kojugukelabaw yorçnini, k'u wogobe, k'u tije, koloneli Zili Zarón ka fo la, o ye Faransi kelebolo nemogoyasoba kumalasela ye. Wulikajoba in kun ye ka gerenté sigi kojugukelabaw kan, u kana se ka ko ke. A dabokun ye jamana basigili ye, k'a jira juguw la, k'u tena se ka na tijeni ke ten ko fen te bo a la.

Amadu. M. Sise
Mahamadu Konta

Jamanakuntigi ka kangarida ka nesin Kati, Kidali ani Tumutu girigara kebagaw ma

Jamanakuntigi y'a ka taama surunya, ka segin Mali kono joona ka da gesleya 3kan: Katisorodasi dow ka muruti, ani Kidalini Tumutugirigaraw.

Peresidan Iburuahimu Bubakari Keyita tun taara taama na jamanayemahoronyalenka tonba sunkor Niyoriku, lamerikenjamana kan. A ye kuma ta ONI/ONU ka lajeba 68nan kene kan, k'a jira ko Malidenw be dinne kunkankofojama fo k'a walenumandon, ka da a ka wulikajo kan Mali boli la dansagonmogow ni banbaanciw bolo.

Taama dakunfilanankera Faransi. A taara se Faransuma Holndi ma ni malidenw ka foli ni tanuni ni walenumandon ye, ka nesin Faransi ma ani Eropu ni dinne jamanaw, minnu nana Malideme ni keledenwani minnu y'ukanbo ka deme ke nafoloko la. O hukumu kono, Peresidan Iburahima Bubakari Keyita tun ka kan ka taa Faransi depitebulon kono, hakililafalenbaro la Mali demecogo kan, ka lakana sabati ani ka yiriwali jidi. Nka o jekasigi in ma ke biled bawo ko gelenw kera a ka jamana kono minnu y'a to ni taamajora kasoro a tun ma ban.

Arabadon, okutoburukalo tile 2,

suf, jamanakuntigi kumana jamanadenw fe arajo ni jabaranin na, k'a ka nisongoya jira wale jugu kelen ninnu na, ka tila k'a sementiya ko gesleya si tene se k'a bo fasojo sira kan, Mali kura, larame kuraani demokarasi kura joli.

A ye min fo Malidenw ye o kuma kolomayor dow file nin ye :

A y'a jira ko kati sorodasi dow ye muruti fari dali min ke kabini ntendenon setanburukalo tile 30 san 2013, o ye jigitine ni jamalamalo min da ale kan, o damatsemna. K'a ye k'a fojamana werewbe ka u ka sorodasiw bila ka na Mali deme fo u ni be to a la tuma dow, ka tila k'a ye ko Mali sorodasiw be ka jamanakunmasunliwalew ke, hali u te siran, hali u te jore, o te se ka kolokolo larame kono, larame min fanga folo ye ladamu ye ani nemogobonya. Sorodasi k'ataanj Malilarame kura kono, o te se ka soro sira were fe ni munu ni sabali te ani baara ni cesiri, ka sebekela ka segen don a ye.

Jamanakuntigi y'a jira ko a ye goferenaman yamaruya, fen min ye sorodasijekulu ye, n'a sigira sen kan san 2012 mariskalo fangabin senfe, o ka ci, k'a ka baara jo, ka nemogoya



Peresidan ko ka nemogoya lasegin jalabatigw ma larame kono

lasegin jalabatigw ma larame kono. Ni jalabatigw ma se k'u jo u joyoro la, fanga be wajibya k'a ka baara ke.

Jamanakuntigi y'a jira a ka kuma kono, k'ale ma sigi fanga la jamanadenw fe ka jamanaburuja, k'a janfa, k'a ci, k'a ke yelekofen ye dinne jamanabuwa. Ka jamanabuwa k'a to yen, a ka ke jugu sago ye, a tene se ka dije n'o ye abada.

A ko nin kangarida gelen ninnu be fo kummajiginwale kebagaw ye Kati, nka a be nesin Kidali ni Tumutu k'ejalantigelaw fana ma, olu minnu

ye Wagadugu Benkan don bogu la n'u ka wale jugu ye, benkan min taras san 2013 zuwenkalo tile 18.

Kele ni fojogonkow tene koronfemarabolow layiriwa. U yiriwali bolodalen don desantaralizason hukumu kono, ka fara jamanabuwa marabolo tow kan.

Jamanakuntigi y'a jira ko lajeba bena sigi sen kan desantaralizason taabolow kan, ka kelenw jate mine, ka ketaw boloda, ka netaa sabati.

Jamanakuntigi ko bolodinogonma walasa desantaralizason ka sabati ka maramafewn bila.

An bora minna hali a ma meen, n'o ye nognagaw ye, jolibonw, duguciw, jamanakuntigi ko an kana segin o ma bilen. A ye dugawu ke mogo salen ni joginnenye Kidalini Tumutugirigaraw la. Ala ka Mali kisi, ka Mali deme, ka Mali demebagaw deme. O kera jamanakuntigi ka kuma labanw ye.

Mahamadu Konta

Goferenaman k'a bena teme ni Wagadugu benkan waleyali ye

Mogo murutilenw ka jekulu minnu ye Emnela (MNLA), Asiseyuya (HCUA) ani Emu AA (MAA) ye, olu tuny'ajira ko benkan minbolonobilala u ni goferenaman ce. Wagadugu, ko goferenaman te k'o labato. Osiratige la, k'olu y'u senbo benkan in kono waleyali kolosijekulu ka baaraw la.

Kuma jolen fosi te korenfela mogo murutilenw da, mogo be se ka kala turu min kan. U y'a jira k'u y'u senbo benkan waleyali kolosijekulu ka baaraw la; u k'o ma bo biled. O kera ntendenon okutoburukalo tile 7 san 2013. Emnela nemogo dankan Mahamadu Jeri Mayiga y'a nini goferenaman fe u ka nin seginko in kofe, a ka depitesigikalata bo a dogo koro; sabula ko mogo minnu y'u sigiyorow bila korenfela kese ne, k'olu bee ma kosegin ka ban pewu. Hakililajigin na, depitesigikalata tako folo ye nowanburukalo tile 24 ye san 2013. Mogo murutilenw ka jekuluw nemogow y'a jira k'u be munu folo goferenaman koro; kerenkerennya la jamanakuntigi ibrahim Bubakari keyita; k'u b'a minne a dalakuma ma. Ale min ko a bena teme ni Wagadugu benkan labatoli dannyawalew matrafali.

Okutoburukalo tile 5 san 2013, dinne tonba togolamogo kerenerennan n'o ye Aliberi Kowenderisiye, ni Minusima nemogo fana don Mali kono, o y'a jira ko sigikafu dabaliw tigelen don goferenaman ni mogo murutilenw ce dinne tonba ka basigi sabatijekulu ka sariya 2100 kono. O hukumu kono, fan fila bee y'u ka mogo minnenew bila. O be dannaya sinsin u ni nogon ce ka teme ni sigikafow ye.

Dokala Yusufu Jara

2013 zanwuyekalo tile 23 sariya talen labato.

Mana dilannifew be ke ka manamafen suguya caman dilan, min te manafogoninw doren ye. A bee segesegeli ka gelen duwanew bolo. Mana be dilan ni fen minnu ye, u feerebaaw an'u labaarabaaw lakodonni fana man nogo ka u mine ka sariya boli u kan.

Nin gesleya minnu folen file mana tolitali k'oni sariya labatobaliya la, sariya kura talen in bena a fanga digi u furakeli kan.

A b'a sementiya ko k'a damine san 2014 zanwuyekalo tile folo la, mana tolitali dilanni, u sannifeere an'u labodonni Mali k'ono, o k'ona ka fara fen werew kan, o mana suguya ninnu be dilan ni minnu ye.

Walasa ka sariya in labato, mana suguya minnu kofora n'u ka kan ka bila mana tolitali no na, olu nefora faramsitigw ni izinitigw ye. O nefoliw n'u ta bee, mogo te ka san

Dokala Yusufu Jara

Mana tolitali k'onna Mali kono

Sigida n'a lamini ani lasaniyalu minisiri ye poroze naniya sirilen do dajira goferenaman na minisirisiw ka okutoburukalo tile 16 laadalatonsi senfe. A nesinnen be mana tolitali ma. A jirala ko mana tolitali dilanni, usannifeere an'u labodonni Mali k'ono, o k'ona ka fara fen werew kan, o mana suguya ninnu be dilan ni minnu ye.

Mana masiba keleni kama, Mali ye sariya do ta san 2012 zanwuyekalo la, k'a jira ko k'a damine san 2013 zanwuyekalo tile folo la, mana tolitali dilanni, usannifeere an'u labodonni Mali k'ono, o k'ona ka fara fen werew kan, o mana suguya ninnu be dilan ni minnu ye.

Walasa ka sariya in labato, mana suguya minnu kofora n'u ka kan ka bila mana tolitali no na, olu nefora faramsitigw ni izinitigw ye. O nefoliw n'u ta bee, mogo te ka san

Kati girigaraw bilala sariya ka bolo kan

Jamana kelenbolow ani sorodasi korow ka minisiri y'a lase jamanadenw ma ani dinne mogo tow, ko sorodasiw dow ye murutili min ke Kati, setanburukalo tile 30 san 2013, ni kojuguke kera a la ani mogfagaw, a ko bilala sariya ka bolo kan. Mogo caman welela a ko kunna k'u lam'en, k'u segesegel. Seereyaw be ka fara nogon kan. Olu donna sariyatigw bolo wa segesegeliw be to senna fo ka se a dan na. Mogo o mogo sen mana ye a la, sariya b'o nomine k'o kiiri.

Tijenifew ye senekelaw juguw ye

Poyikanpoyi kene kan Arajomali la jumadon setanburukalo tile 13 san 2013, Ibarahima Da Mɔzɔn Jara ni Kayi mara senekela dɔw ye nɔgɔn sɔrɔ samiyɛ kunnafoni kan.

Kayi senekelaw y'a jira, ko tijenifew dɔw tun bɛna olu ka forow la ka tijenɛ ke sufɛ. U bɛ sumanw ji min ka ban pewu. O siratige la, ne bɛ Kayikaw ka kuma tijetigiya. A nɔgɔnna do kera anw fe Ganadugu kɔnɔ Sikaso mara la. An ka kubeda ye ñena ye. Akera san 1976. Ntɔnsuguya dɔw nana anw ka forow kɔnɔ fobɔnda waati la. U tun b'u



Yaya Mariko

bobaraw cooko dugukolo sumanen kɔnɔ ka fanw da o dingew kɔnɔ. A san na, anw tun ye maloforo taari 160 sene an ka fala kɔnɔ.

Tuma min na an ka jatemine bora ntɔn ninnu

kewale kan; an taara malosene nedɔnbaaw nininka a kola. Olu nana forow yaala kantɔnwye. Oluy'a jira anna k'u keleli ka gelen ni malo kanna. U k'an k'a to u fanw ka toro ka ban. K'o be bɛn samiyɛ kura damine. waati ma.

O tuma na ko kelecgogo be nini u la. Sanji folow binnen, ntɔndenw torola fan bɛe fe. Fen ma ke. An ye malosiw don ka ban. Malow falenna foka wolo. Tuma minna malo ye ji ta, tɔnw y'u ji min ka ban pewu. O kera taari 160 tijecogo ye kokura. Kunbencogo ma nini u la;

Poyi : Dusu

Dusu man ni.

Dusu masiba ka bon, Abetijeni min don mɔgɔkun, a t'ɔ ñeni ke.

Dusu ye hadamaden taalan ye.

Nidusut'ila ibe ke fadensago ye;

Ni dusu t'i la i ka ko be ke tokaje ye.

Dusu be mogo mago sa k'i ke jugu sago ye.

N'i dusura, n'i m'a ni hakili sɔrɔ,

I ka fosi te ñesɔrɔ.

Dusuni hakili ka kanka taama nɔgɔn fe;

Nka hakili be bila dusu ne.

Ni dusu sera hakili la,

O be mogo kunko geleya.

Dusu mana baara o baara ke;

N'o ma ke hakili ñena, tijenɛ be sɔn ka bɔ a la.

Dusu man ni.

**Isa Jalo ka bɔ Kođugu, Dugabugu komini na Kati
Telefoni: 66-59-70-59**

Poyi : Tunga

Ni su kora n na,
I t'a to n na.

Ni tile ganna n na,
I b'a gan n kɔ

I dun te ñe n kɔ,

Ne kerebete.

Ni su kora,

N be sugo i la.

Ni dugu jera,

N hakili te sunçgo.

I dun be min?

Ni dinc kera kungo ye,

Ne na ke, donso ye,

Sango n'i sɔrɔ.

Ni suya tun ye tine ye,

N tñun na don so su in na.

E koson,

A n'an denw,

Sango a kana tooro.

Bukari Jara

Koɔribuludunntumu cayara ñinan, u keleli man nɔgɔ

bo forow kɔnɔ.

Senekela dɔw ka kolɔsili ka bon kosebe. Koɔri kun folɔ ni koori kosa min b'olu bolo, olu ka fo la n'u y'olu furaké, u b'u cogoya laje fo ka se dɔgɔkun kelen kuntaala ma, k'a dɔn ni bagaji bɛna se ka baara min ke. Koɔriforo kun folow la, u y'a kolɔsi ko bagaji digira olu ntumu na kosebe. Ntumu bère te ye o forow kɔnɔ o kofe bilen. Nka bagaji te fosi ke kɔsalaforow ntumu la.

Senekela caman b'a la ka denmisenniw fara u kan, ka ntumu ñenama mine forow kɔnɔ k'u faga. Dow y'a jira k'olu ye ntumu ba saba (3.000) fo ba naani (4.000) mine koɔriforo taari kelen kɔnɔ.

Furakeli kofe ni ntumu ba saba ni k'o be sɔrɔ taari kelen

kɔnɔ halibi, bɛe b'a dɔn k'o te taa tijenɛ ko. Ne b'a ñini Semudete fe, a k'an dème ni bagaji ye, min bɛna se ka foro kɔsaw furake.

Sabula a kolɔsira kabini waati jan, ko bagaji minnu be di an ma, kɔsafekɔriforow furakeli man nɔgɔ n'olu ye.

O temenén kofe, ne b'e foli ke Kibaru baarakelaw la. Ka batakicilaw fo ani Arajomali b a a r a k e l a w ; kerenkerennya la Buja Konte, Ibarahima Da Mɔzɔn Jara. Nka folibea nkaramogo Lamini Katile ye ka bɔ Yanfolila. N be Amadu Sogo fo ka bɔ Teredugu, Timisa komini na Tominan mara la.

Daramani Sise ka bɔ Nɔgɔlaso, Sanzana kominina Kinan Sikaso

Dumunifew ni posoniw man kan ka doni bolifɛn kelen kɔnɔ



Bakari Danbeli

olu kan. Obe ke wula fe sugu bannen; u be Sikaso sira minne.

Ne ko n'atigwi ma, k'aw ma nin waleya in ye wa? Uye ne jaabi ko nin mobilobilila in kewale ye nin ye suguo sugu. K'olu kumana a fe ka dese, a

te k'a dabila.

Ne k'u ma bolokɔnni te dolo min; nka a be dolo jira. Bulanzeri mobili don, kunnafoni ka kan ka da olu tulokan n'ub'uka feerelikela ka nin waleya in kalama. Buuru ye dumunifew ye, sugujomusow fana ye dumunitigiye. Nisi ni posoni man kanka doni bolifɛn kelen kɔnɔ. Buurumobilini posoninta man kan.

Ne koni be min fo n balimamusow ye, ka don mobiliposonima kɔnɔ n'a ka nañenye, o man ni. Nka Ala ka hine aw la.

Bakari Danbeli ka bɔ Sikaso Wayerema 2 la

Poyi : Dakan sa tɛ

Ala ye danni ke, a ma jɔnw damakene.

Hakilijumantigi, dakan sa tɛ, Dabaa Man t'a yere soso, Limaniyajon, dakan sa tɛ, Masa ka kalikan te wuli,

A te karaba, waati sebali te karaba.

Masa ka latige te soso. O ma bali, Masa ka Masaya ma bali.

O ma wuli, Kira Mahamadu ka cidenya ma wuli. E fiyentokel Jabaru Masa ka latige barikada.

A barikada, setigi ka herew barikada.

Bada-bada, Ala ka sebaaya

barikada hakilitigiya la.

Jɔn te ke fosi y'a dakan ko. Kɔrɔto be niyɔrɔ dɔgɔya, o be jɔn bila kunmasuuli gun kan.

Ala-ka-jɔn! Kana dan sagon. Karaba ye fen o fen dilan, a b'ɔ bɔrɔto.

Éko Ala, ne ko Ala, an ko Ala. Kɔrɔto yɔrɔ be minni?

I yɔrɔ janya hasidiya la, o be masa ka hine buruja.

Siran dabaa Man ka funun je.


N'o sabatira, dununya latemeni be nɔgɔya.

I wasa don Masa ka latige la, o de be laban.

**Burema Keyita
Akademi Kucala**

Tel. : 75 23 89 25

Poyi : Jurusarabali



Basiru Fɔnba

E jurusarabali, i ni mɔgɔtɔrɔ. E misali te fosi ye soso ko.

Min be mɔgɔw tɔrɔ sufɛ ka sunɔgɔ tige u la.

E jurusarabali, i miiri dɔɔnin.

E kera sababuye ka səbekela caman ka səgen ke fu ye u bolo,

Ka waritigi caman tegelankolonya.

E jurusarabali, e hakili la k'i ka kekun

K'i be mɔgɔ tɔw kan.

Kasɔrɔ i te mɔgɔ si kann'i yere to.

Wari diya o diya, a te hadamadenya bo.

Minnu be juru don i la,

Olu be miiri, k'a ñini k'i jigi tugu.

N'o te nalomaya t'u bila ka juru don i la.

Jurusarabali, i sera hakilisɔrɔ ye.

**Basiru Fɔnba ka bɔ Jele,
Bugukura komini na Doyila**

Kalankene n° 134nan : Nafasrosira werew

Baganmara

Baganmara te baara yiriwalen ye Kaaba. O sababu dōw ye sumaya barika bonya ye.

Dōw ko fen wére be mögów bolo ka kë, min te baganmara ye. Nin sababu fila ninnude befbaganmara yiriwabaliya la Kaaba.

Misi kelen-kelen be dōw fe. Dōw ta yére ka ca doonin. Nka fulaw de be sara ka misi minnu gen. U be to ka da forow kono k'olu nogo don.

Baw ni sagaw ka ca doonin; hka olu

be dugu yére kono. U b'u tigiw ka so. Olu yére nogo be ce ka taa o kë forow la. Du ka dögo se te min kono. Bagan ninnu bee ye nafolokunw ye. U tigiw be to k'u mine, k'u feere, k'u ka warikomakow dilan.

Bololabaaraw :

Bololabaara be ke Kaaba nka a ma sebekoro yiriwa. Numuw be dabaw, falow, jelew ani muruw dilan. Dow b'u la, olu be misidaba yére faga ani k'a minenw dilan.

Maakorobar : Naniyajuguya

Folo, noggomagodilan tun ye laada ye balimaw ni noggon ce, terimaw ni noggon ce, sigi noggomaw ni noggon ce, hali kabilaw ni noggon ce. Noggomagodilan tun ye fol danbe ye ka mögów kala noggon na, ka mögów don noggon na, ka noggonkanu sinsin hadamadenw ni noggon ce.

O de tun b'a to mögów be yele noggon fe ani ka kasi noggon ye; bawo ne ka bonge ye e ka bonge ye, e ka here ye ne ka here ye. O de ye hadamadenya ye, do kelen si te naniyajuguya ta ka nesin do ma. O koro de ye ko hadamadenw tun be noggon fe, u ta tun ye noggon ye here ni here tana kono. Koro ni nafa b'o hadamadenya la.

Kabini folo banna ka bi se, hadamadenya fana banna k'o sababu ke hadamadenw ka naniyajuguya barika bonyako jugu ye.

Bi, hadamadenya tora naniyajuguya ma, mögów sigilend, sigi jugu la : n balima ta ka tine, n teri mago ka sa, n sigi noggon ta kana ne. Kabini a be naniya la fo a be laban



Daramani Tarawele

ka ke wale ye, wale min, i mögönogon b'a ke, fo ale ka e ka here bali. O de ye naniyajuguya ye min kelen don mögówtaalanye duw kono, baaradawa la, nénajeyorowla, jamana fan bee fe.

Mogo minnu taalan ye naniyajuguya ye, o mögów te here la, wa u te here soro. N'u yére ye here soro, i b'a ye a here te ke fen kuntaala janye cogola. Odeye naniyajuguya sara ye.

Sojla caman be Kaaba. Tilema fe, u dōw be taa baarakeyoro werew la. Jirisilaw be konw ni fen caman werew dilan jiri la.

Tulikelaw ta ye wolomafenw dilanni ye.

Numumuso dōw be daga dilan. U be wusulanbaraninw fana dilan bogo la. Cikelaw mako be minen minnu na k'u ka baaraw kë, olu bee be se ka dilan numuw fe wa u songo man gelén.

**Saheliyen / Sahelienne
Kaaba Karawani Sébennjekulu)**

Tuma caman, naniyajuguya be segin a kebaga yére ma. Nka komin a te fo naniyajugu yére ye ko i yé naniyajuguya min ke nin don masina karimasina na, o naniyajuguya sara de ye nin ye, cogo si la naniyajugu ta dōn ko naniyajuguya ko ye bonge ni nimisa ye.

Ni hadamaden naniyajugw tun be o dōn, u tun be naniyajuguya dabila. Nka min ye jorénnako yenaniyajuguya la bi, o de ye ko naniyajuguya be ka ke bee taabolo ye ka jamana nagasi, ka duw nagasi.

A ketó don laada ye, laada min be duw ka kota a sementiya ani k'a sinsin. Bawo juguya sara ye juguya ye kabini bi m'a don ko a be se. Anw t'a nini k'a dōn karisamasina ye ne soro cogo min; nka anw b'a nini k'a tine de, bee ka to nemanogosi ni maumako la.

Aa! Nin ye dakan ce jugu ye anw bolo, ko dō in kana here soro, hali n'e yére t'a soro. Togo wére te nin naniyajuguya la n-te-n-yére-fe ko.

**Karamogo Daramani Tarawele,
Ladamuni III (Numanya) Kalandiya**

Dukene n° 108nan :

**Koperatifuko sariyaw
Mali kono (11)
sariya werew Tigeda
tannan**

Sariyasen 84nan

Sariya ye nangiliw boloda ka nesin koperatifu töndenw walima a némögów ma, minnu mana waleya juguw kë, namanjanamuwalew, seben fuw, nafolodunw ani fen o fen, min be tine lase koperatifu ma, (nin cogo ninnu na).

- Konenabojekulu mögów, kolosilijekulu mögów, koperatifu direktoriw, walima zeran minnu y'u tugu ka kunnafoni fu ke sebenw na, minnu ni tine te kelen ye, walasa ka mögów lafili, koperatifu lahalayaw la.

- Konenabojekulu noggow, koperatifu direktoriw walima zeranw, minnu kera sababu ye ka koperatifu soro walima k'a nafa ben u yére ma, walima k'a ben koperatifu werew ma, u b'u ka nafa soro min na.

- Némögó minnu ye soro tine k'a soro lajeba m'a yamaruya, i ko tigeda 5nan y'a fo cogoya min na sariya n°0076 fe.

Sariyasen 85nan :

Koperatifu némögów, direktoriw, zeranw be se ka nangi sariyaw fe, minnu be tali ke nin sariyasen kerenkrennen in na n°13/CMLN, awirilikalo tile 22, san 1974, min be waleya juguw nómíne.

**Hadamadenya Sabatili ni
nogondeme Minisiriso,
san 2008 awirilikalo**

Balikukalan ye hadamaden n'a ka hake yiriwalan numan ye

Né folo to

57 genna olu la. Hake min fana be kalan kun filanan na milyon 69 genna olu la dije kono.

Mali kono, baliku kemesarada la 70 ma kalan. Musow ka ca ni tilance y'o la. Mali b'a la ka no bo balikukalan kono la. San 2012, Mali kera joyoro 22nan ye Afiriki kono farafinjamana 28 cela. Cakeda minnesin be Maliden bee kalanni ma, o y'o kunnafoni in lase.

Cesirikow be Mali balikukalan kono. Goferenaman be wari hake min don zaraden n'o ye denmisenninw ladumuyoro ye ani kalan kun folo dafe, o ka dögo kojugukalan yiriwali sabatili la. Kalan min be ke zaraden na o ma walawalan kosebe. Cemmanni ni musomannin hake damakeni ma sabati kalan kun folo la. Baliku minnu si hake be san 15 la, kemesarada la 25 dōron ye balikukalan ke.

Kalan minisiri Madamu Togola Zakelini Nana y'a jira ko Mali sebe

donnen be balikukalan togoladon wulikajow waleyali fe. Sabula a kenew kan, mögów be hakililafalen falenw ke balikukalan netaa sabatilicogo ani fasakanw doncogo kan ba la.

Balikukalan dögökun nénajew labanna Benéna. Kalanko minisiri, madamu Togola Zakelini Togola n'a ka cakedaw némögów jera ka taa Benéna, balikukalan togoladon seli kunceli hukumu kono.

Seli in kunceli baaraw daminena Benéna setanburukalo tile 30. Benéna be Segu mara la, Tominan serikili la; a be Mali ni Burikina dancé la; bóbodugu don.

Minisiri n'a noføjama ma taa Benéna u kunte ten. Kalango kerennen dō de jolen be yen min be wele jamanaw ka donnogonna kalango, yiriwali kama. A noggonna dō fana be Maduba, Burikina Faso, o fana ye bóbodugu ye. Kalan suguya kelen de be ke o

kalango fila ninnu kono. Kalan minnu be ke, olu be kunce ni baaradegekalan ye. Kalanden cemani ni musoman be se ka baara minnu dege kalango fila ninnu kono, olu ye ciké ye, meniseya, kalali ani sogoli. Dancekalango ninnu jokun ye ka ben don jamana fila denw ni noggon ce, u ka u bolo di noggon ma hadamadenya sabatili ani soro yiriwali baaraw la.

Benéna seli baaraw bolodara nin cogo in na :

- Kalanje ni sebenni kalansen dō waleyara minisiri n'a noføjama nena bóbokan na; k'a jira ko kalan be ke tubabukan na cogo min na ka dönniya soro, a be se ka ke o cogoya kelen na an ka kanw fana na.

O kofe, minisiri n'a noføjama ye kalango in yaala, k'a yoro bee lajebi laje, ka ke seerew ye. Kalankeyorow b'a kono cogo min na, baaradegeyorow fana b'a kono ten. Denmisennin minnu

si ma se lakoliladon ma, olu lamoyoro do fana b'a kono.

Nin bee lajebi kofe, Benéna Meriye kuma ta ka faamaw fo k'u bisimila dugu togo la. INISEFU/UNICEF ka ciden tugu la ale la. Kalango kerennen in sababu numan do ye Inisefu ye.

Segu goferenéri nonabila kumana o kofe. A y'a nini dugumögów fe, u ka kalango in mine ka ne walasa a jora kun min kama o ka soro.

Kalango minisiri ye balikukalan togoladon seli baaraw kunce ni foli ni dugawu ye. A y'a nini kalango in noggonna ka jo Mali dance bee la. Duguyiriwakalango, balikukalansow cewtaw ani musow taw, olu ka jo Mali dugu kelen-kelen bee la, n'o ma ke kunfinya te se ka kélé, yiriwali kuntaala jan te se ka sabati.


**Bayi Kulubali
Mahamadu Konta
Dokala Yusufu Jara**

Te buruju ye Asi gun ye

Te ye tesun buluw jalen ye. Tesun yere ye jirisun ye, min buruju ye Tibe mara ye Siniwajamana na tilebinyanfan fe. O beben Endujamana kejekayanfan ma. Tesunkundama be se metere 10 ma. A be falen a yere ma kungo kono. Nka ni mogow y'a turu yero kererekennen na k'o ke teforo ye, u be to ka tesunw tige u kundama kana se ka teme m 1,5 kanwalasa k'abuluw karili nogoya. San kelen kono, i be se ka bulu kariko 20 fo 30 ke tesun kelen na. Furabulu nuginin minnu be tesun bolow kunna, olu de te ka di kosebe ka teme a bulu korew kan.

Te wulicogo de b'a ke fura ye farikolo ma

Dogotoriba daw y'a jira ko te ka fisa mogofarikolo ma keneya siratige la. U k'a be joli lasahiya ani ka kendamateme hake dogoya. Walasa te ka ke fura ye farikolo mai, dogotorow k'o be soro a wulicogo fe. Mogow be te sebekoro tobi cogo min na i n'a fo kankajiba, k'o b'a nafa dogoya. Larabuw ni Siniwab'a tobili kuntaala surunya cogo min na, k'o de ye te



Temin b'i n'a fo laadalako jamanadenw bolo

wulicogo numan ye.

Te hake joli de be min dije kono?

Jateminey y'a jira ko san 2010, te hake min soro dije kono, o sera toni miliyon 4,1 ma.

Siniwajamana ye tebasorajamana ye dije kono. A ka te soro hake be se toni miliyon 1,4 ma san kono. Te hake min be soro dije kono n'i y'o

kemesarada, Siniwajamana niyoye 33 y'a la.

Minfen minnu kalaman be min dije kono, o folo ye te ye. Jateba te te Kokanfeereli soro kan; sabulajamana minnu be te sebekoro sene, olu yere de y'u ka te soro fanba minbaa ye. Temin b'i n'a fo laadalako jamanadenw bolo. Misali la

Zaponjamana be te hake min soro san kono, o kemesarada la 97 be min jamana kono u yerew fe yen. Malikokanjagoko nemogoyasokajate la, te suguya caman be ladon Mali kono san c san; u hakew fana ka ca. San 2008 ni 2011 furancew la, te hake min ladonna Mali kono, omusaka cayara ni sefawari miliyari 40 ye. Te suguya bee b'o jate in na. San 2008 doron na te hake min ladonna o cayara ni toni 16.000 ye. Omusaka ka ca ni sefawari miliyari 8 ye.

San 2009 ta sera toni 19.000 ma, min musaka cayara ni sefawari miliyari 12 ye. K'a ta san 2010 na ka se 2011 ma, te hake ladonna Mali kono, a cayara ni toni 28.000 ye; sefawari miliyari 22 ni ko donna o dafe. Te ye minfen kanunenba ye Mali kono. A be bo dije gun bee kan ka ladon Mali kono, hali n'a be sene jamana kono. Siniwajamana, Emira Arabu Ini, Alimanjamana, Kolonbi, Kidiwari, Eziputi, Faransi, Endujamana ani Zorodani, olu ye jamanaw doye, te be bo yoro minnu na ka ladon Mali kono.

Dokala Yusufu Jara

Saheli 21 y'a ka san 7 balikukan kanpani jaabiw lase : Dō be ka bo kalanbali hake la

Saheli21 ye balikukan togoladon wulikajow ke ntendondon okutoburukalo tile 21 san 2013, Dubabugu balikukan so da la Sagabala komini na. Koredon balikukan togoladon nenanayali ye setanburukalo tile 8 ye dije kono san o san; nka yelema donna Saheli21 ka ninan ta la. Demedonjekulu in nafolobolaw tun ka kan ka na taama na Mali kono k'u ne da baara waleyalenw kan okutoburukalo labanyanfan fe. O de koson, don yelmana a ka se ka ke olu nena.

Mogoba caman tun b'a kene kan. Kolokani perefe ni kalanko nemogow, Jijenin superefe, goferenaman togolacakedaw nemogow, Jijenin ni Sagabala komini meriw, Zan Piyeri Mase n'a taama nogon Luwizani ka bo Kanada jamana na, ka fara Saheli21 baarakenoqonduguw ka ciden fila-fila kan.

Saheli21 ye balikukan damine Jijenin ni Sagabala komini kono san 2007. O ni ninan ce ye san 7 ye. Kanpani fila folo minnu kera, o y'a soro fa sumanikelanw kalanni fanga manbon balikukan kono kosebe. Kalanden 850 togo sebenna, muso 449 ni ce 401. Mog 742 tora kalan na fo ka kiimeni ke, muso 404 ni ce 338. Minnu kera kalanden folenw ye, o ye mog 282 ye, muso 97 ni ce 185. Mog 63 tara olu la ka karamogoyakalan ke olu kun k'u bila karamogoya la. N'o te karamogoce fila ani karamogomuso wojo taru dugu werewla, minnute Saheli21 baarakenoqonduguw mogoye. Osanfila balikukan

kera dugu 13 kono.

Kanpani duuru minnu dara o kan, mog 1.674 togo sebenna, muso 1.001 ni ce 673. Mog 1.431 tora kalan na fo ka kiimeni ke, muso 863 ni ce 568. Mog 574 kera kalanden folenw ye ka se sinsinnikalanso la n'o ye balikukan kalanden folenw na, a to farala sinsinnikalanso kalandenw kan k'u ke mog 748 ye, muso 344 ni ce 404. Mog 642 tora kalan na fo ka kiimeni ke, muso 298 ni ce 344. Mog 319 kera kalanden folenw ye, muso 122 ni ce 197. Balikukan kunceli seereyasseben dira olu ma. Duguw balikukan karamogow de be to ka ta olu la ni karamogodese bena ke san min na.

Saheli21 ye birow sigi a baarakenoqondugu bee kono. Ab'a ka kalanden folen soro bila olu joyorow la a ka yiriwalibaa raw, netaa sabatili kama. A be baara suguya caman ke Jijenin ni Sagabala komini na: jurudonkesuw, dunkafa sabatili, kalan ni keneya sabatili waleyaw, mara kecogo numan...

Balikukan togoladon nenanayali hukumu kono ninan, nogondan bolodara kalanden folenw ce poyisaben, nsirinseben ani dijetiget kow faamuyali kan. Mog saba folo minnu ye danni ke a kiimenisen kelen-kelen na, jansalifen dira olu ma.

Dokala Yusufu Jara

San 2050 ka kan k'a soro dije mog sera miliyari 9,6 ma

An be waati min na dije mog hake ye miliyari 7,2 ye; yanni san 12 ce mog hake min bena fara o kan, o be surunya miliyari kelen na. N'o ye mog miliyari 8 ye san 2025, ka laban ka ke miliyari 9,6 san 2050 waati la. Dije tonba Onikalaselisaben minnesinnen be mog hake cogoya ma dugukolo kokan, nin kunnafoni in soro o fe.

Jamana minnu be yiriwali sira kan, jama fanba be soro olu kono. San 2013 in konona na u jama hake be bo miliyari 5,9 na ka se miliyari 8,2 ma san 2050 la. O waati kelen kono fen tena fara jamana yiriwalenbaw jama hake kan. O be son ka to miliyari 1,3

la.

Seba te jamana minnu ye, jamana 49 b'olu la, minnu jama be bugun teliya la. A yere be son ka sigiyorma 2; ka bo miliyon 900 na san 2013 in na ka se miliyari 1,8 ma san 2050. Kunnafoni kerenkerennen daw dira jamana daw jama hake cayacogokan. Misalila Endujamana jama hake bena caya ni Siniwajamana ta ye yanni san 2028 ce. Nka san 2028 yere b'a soro u filia bee jama hake damakenja. A b'a soro u kelenna bee jama hake sera miliyari 1,45 ma. Nizeriya ta bena caya ni Lamerikenjamana ta ye yanni san 2050 ce; nka san 2100

waati be son k'a soro Nizeriya jama hake cayara ni Siniwajamana ta ye.

Kasoro an be don min na Siniwajamana be joyorow filan na jama caya la dije kono. O san 2100 kelen in b'a soro Endonezi, Tanzani, Pakisitan, Kongo Demokaratiki, Ecopi, Uganda ani Nizeriya kelenna bee jama hake sera miliyon 200 ma.

Oni ka laselisaben y'a jira, ko mog hake min bena fara dije jama kan yanni san 2050 ce, o tilance be soro Afiriki kono. O be Afiriki jama hake sigiyorma fila. A be bo miliyari 1,1 na bi ka se miliyari 2,4 ma san 2050, ka laban ka ke miliyari 4,2 ye san 2100

waati la. Kasoro dije gun tow kan, san 2013 ni 2100 furance la, olu jama mumu kemesarada la 10 bena fara o kan.

Nka a b'a soro kemesarada la 14 bora Eropu gun jama hake la. Den caman tena bange yen ka fatulenw nonabila. Sabula muso kelen dan be ke den 2,1 bangeli ye. A kolosira ko do be ka fara si kuntaala kan. San 1950 ka se 1955 waatiw ma, jateminey y'a jira ko mog minnu fatura, a fanba si hake tun sera san 47 ma. San 2005 ni 2010 fana konona na, si hake sorolen fanba tun ye san 69 ye.

Dokala Yusufu Jara

Desantaralizason lajeba y'a wajibiya balikukan ka ke jamana taabolo ye

Lajeba sigira sen kan Mali desantaralizasonko kan Bamako yan k'a damine ntenendón okutoburukalo tile 21, ka se araba ma, kalo tile 23. Desantaralizason kono bée lajele fesfesera lajeba insenfe: a konuman kelenw, a filiwan'a gelyaw, ka tila ka komageleyaliw ke minnu ka kan ka waleya joona walasa laniniw bë sabati.

O komageleyaliw la, a jirala balikukan ka ke jamana taabolo ye, n'o ma ke desantaralizason te se ka sirasoro.

Balikukan min nesinnen bë desantaralizason sabatili ma, o nesinnen bë sigida mogo sugandilenw ma, wote ye minnu sigi, kerékerénneny la meriw ani konsayiw. Desantaralizason sèben bée ka kan ka bayeléma fasokanw na, ka meriw ni konsayiw, ni sigida politimogocsmanni musomanw kalan olu la, demedonjekulu ni tonw, ani mogo o mogo cesirilend don ka sigida ka jetaa fe.

Jamana dönni, n'o ye Mali ye, o ye wajibi ye jamanaden bée kan. I te se k'i da don forobakuma na, n'i t'i ka jamana dönni.

Jamana josen ye saba ye : jamana sigiyo, a jama, a n'a fanga.

Jamana sigilen bë dugukolo min kan, odonni nafa ka bon. Asumadaw, a cogoyaw, a sanfèfenw n'a jukorofèn, jamanaden ka kan ka nin bée dönni.

Hadamaden hake min bë jamana kono, ce ni muso, kalannen ni kalambali, olu ka baaraw, u balocogow, u ka kene ya sabatliko, u ka sekoni dönnko, ninnubée ka kan ka

San 2013 depiteya ninibagaw dantigera

Togo sèben 427 tun dajirala sariyasunba lafasibalon na. Yamaruya dira togo sèben 417 ma, olu mogo ka depiteya nini. Togo sèben 10 binna.

O kunafoni in dara jama tulo kan, alamisadon, okutoburukalo tile 24 san 2013, bulon in némogoba fe, Amadi Tanba Kamara. A kera Aseyi/ACI 2000 la, bulonba in dagayoro la.

Solomani Dunbuya
Mahamadu Konta

Malé kono, fanga bë goferenaman bolo ka bë mara. O fanga fana ye suguya saba ye. A ka ni jamanaden ka o kelen-kelen bée faamuya : sariyasigifanga bë yen, o ye depitebulonye, waleyali fanga bë yen, o bë goferenaman bolo, kíritigefanga fanga bë yen, o ye sariyatigw ta ye.

Demokarasi minn'anb'a kono kabini san 1991, jamanaden fanba m'o faamuya a nema. Mali gelyaw la belebelé do y'o ye bi. A ka ni, demokarasi ka kalan jamanaden fe fasokanw na.

Demokarasi ye fanga ye min kono, jamanaden bë némogow sigi wote senfe. Demokarasi kono, jamanaden bée ka kan k'u hakililaw fo jamana taabolow kan. Fanga bée te to mogo

kelen bolo.

Demokarasi taamasiyenw file niye:

- Fo sariyasunba ka ke yen, jama fanba dijena ni min ye.

- Fo sariya ka ke yen, min bë hadamadenw lakana.

- Fo yamaruya ka ke mogo bolo k'u diyanyetow sigi sariya kono.

- Ani ka yamaruya di mogow ma, u k'ukonota fo, k'u seben ani k'ujense.

- Ni mogo min ma nin si kalan, o koro ye ko e b'i kunte demokarasiko la.

- Sigida lakodonnenw ye mun ye Mali desantaralizason kono? Aka kan jamanaden ka o fana dönni.

Sigida lakodonnenw ye kominiw ye, Kubedaw, n'o ye arondismanw ye, kafo n'oye sérilikiliw ye, marabolow n'oye «Erezonw» ye ani, Bamako

hem arod shi edisG heledou disitiriki. Sigida lakodonnenw b'u ka némogow sigi wote senfe. U b'u ka benkanw sigi, k'u ka sorosiraw dayele, k'u halalanafolow dönda la, uka here n'u ka jetaa sabatili kama.

Goferenaman ka lasigiden bë sigida lakodonnen kelen-kelen bée kunna komini kôlsibaga bë kubeda kunna. Kubeda kôlsibaga bë kafo kunna.

Kafo kôlsibaga bë marabolow kunna. Marabolow yere kôlsibaga ye minisiri ye min bë sigida lakodonnen bë kunna.

Nin dönniya bée bë se kala se anka kanw na bi. Ola, ni desantaralizason lajeby'a jirala koka balikukan ka ke jamana taabolo ye, o bë ben. Sisan a to tora a waleyali ye.

Ola, ni desantaralizason lajeby'a jirala koka balikukan ka ke jamana taabolo ye, o bë ben. Sisan a to tora a waleyali ye.

Mahamadu Konta

Ofisidinizeri ka sanyelema laadalatonsigi 32nan

Ofisidinizeri y'a ka sanyelema laadalatonsigi 32nan ke jumadon okutoburukalo tile 18 san 2013, a ka lajeke kono. A némogoya tun bë cakeda in kuntigiba bolon'oye Amadu Boyi Kulubali ye.

Lajeby'a in ye Ofisi ka san 2012 konenabolaselisben segesége, k'a nafoloko laselisben segesége, ani cakeda in nafoloko kôlsibaga ka laselisben.

San baara kelen mume laselisben y'a jira ko 2012 - 2013 kanpani (cikesan)na, Kemasina malosenyo, labenna. O kera Ofisi ka sôrkeyo 7nan ye a ka falaw kono. A b'a to ni Kemasina maloforow bë ladon konuman, k'u sôrjiidi. O hukumu

kelen in kono, Sosesibila maloforow farali Ofisi taw kan, o fana waleyara. Ajirala k'a fogeleya minnu ye jamana sôrpolitiko, hadamadenyako ni lakanako siratigew la, olu bolila Ofisi fana kan.

Jamana tun ka kan ka dème min don Ofisi ma, sefawari miliyari 3,143, fosi ma sôr o la ni sefawari miliyari 1,572 te. O kera sababu ye jisongo ka don sira were te walasa Ofisi ka na jo.

Lakan sabatibaliya Ofisi yorow la, ani Segu, Lônon an Marakala banki datuguli k'a sababu ke o lakanako kelen in ye, o ye gelyaw don jisongo sôrliko la. Ofisi dèmebagaw fêre ni nafoloko la, olu caman kelen k'u ka demew tige, k'a sababu ke jamana

girigaraw ye, o nana ni poroze ni porogaramu caman datuguli ye, walima k'u ka baaraw segin ko. O kofe, kele masiba n'a kasaaraw siranya y'a to falakonona labenni minnu tun bë senna Tunba, Sabalibugu, Siyengo ani Nbewani, kolu sensumaya walima k'u lajo. Cike nasiraw la, san 2012 - 2013 cikesan in na, ofisi ye forokene taari 115.349 sene, samiyefesene ni tilemafesene na. Malo töni 655.378 sôrola. Nakosene na, taari 6847 sene; pômutteri taari 2000 sene, ani ka kabasi bayelémanen sene ni fana don ba la.

Amagireyi O. Bolo
Mahamadu Konta

Foronto bolen dumuni na

Ni foronto bora dumuni na, ni b'a fe ka do bo a farinya la, i bë komiteri walima buuru k'a la k'a n'o dun. Walima i bë woso wôrò k'o tige ka k'a la. I b'a sagon-sagon n'a ye ka waati ke ka sôr ka wosow ta k'a bô dumuni in na. Woso bë foronto farinya sama. N'i ye buuru do tige ka k'a la, n'a ka di i ye sagonni kofe i bë se k'o fana bo a la.

Walima n'i ye ben'a nene k'a dönnko foronto bolen don a la, i bë sukaro do k'a la k'a to k'a nene a lamagato. O fana ka fisa kosebe.

Korofela Kibaruya

Yerefagasuw ye mugu jugu pêren Cadi sorodasi dôw cela

Kelebolow ani sorodasi korew ka minisiri ye jamanaden ni dijne mogo taw ladonniya kasaara la min ye Cadi sorodasi sôr, Tesaliti jamana korofela la arabadon okutoburukalo tile 23, san 2013, nege kane 10nan waati la.

Kôlsilyo 6 minnubë Tesaliti ni Cadi sorodasi dagalen bë yen, o dôlakelen dë tijenâ terorisw ka yerefagasuw fe. U ye mugu jugu ke ka mobilia, umogo 4 tundon, k'o boli ka jesi kolosilidaga in ma, k'o pêren. Olu yere kera sisi ye nka Cadi Sorodasi 2 ni tora a la, ka 6 jogin. Olu la 2 sebekorô joginna. Denmisennin 1 fana ni tora a la, ka denmisennin 1 were jogin.

Mali sorodasi minnu bë Tesaliti, olu dagalen e sorodasikan kono. O ni dugu ce ye kilometere 7 ye.

Mali sennantolatan tōnba «Femafuti» nemogo kura kera Bubakari Baba Jara ye

Bubakari Baba Jara bēna Mali sennantolatantōnba nemogoya kesan naani kuntaala kōno. Tarata okutoburukalo tile 8 san 2013, a tara wote senfe ka bila o joyoro in na Femafuti ka lajeba 42nan na Moti. U mogo saba de tun b'a la ka joyoro in nini: Femafuti nemogo kōro, min ka sarati dafara kōsa in na n'o ye Hamaduni Kolado Sise ye, Bubakari Baba Jara ani Bukari Sidibe n'a be wele Kolon.

Kalataw tako folo la, Hamaduni Kolado Sise ye mogo 22soro, Bubakari Baba Jara ye mogo 18 soro, Bukari Sidibe ye mogo 14 soro. Sariya la, mogo fila folo minnuyedanni ke, joyoro ninina sabanan ka mogo sōrōlenw be wote olu ye sabu olu ka mogo demeta binna kaban. Okalata filananinsenfe, mogo 11 ye Bubakari Baba Jara ta, a to 3 ye Hamaduni Kolado Sise ta. Ode



*Bubakari Baba Jara
sennantolatan tōnba nemogo*

kosonjaabilabanwna, Bubakari Baba Jara ye mogo 29 soro. Hamaduni Kolado Sise ta kera mogo 25 ye.

Kalata in kera Afiriki jamanaw ka ntolatanton KAFU ani dijne ntolatantonba FIFA ka cidenw nena. A kera jelenya kōno, mankan ma bo a

la. Nin tun ye Bubakari Baba Jara siñe fila ye Mali sennantolatan tōnba nemogo nōfe. San 2009, Hamaduni Kolado Sise kelen in tun y'a ta a nekōro.

Bubakari Baba Jara ye polisiye. Polisiw ka nemogow do don, Joliba ntolatanton nemogo fana don. Tuma min na a kera Mali sennantolatan tōnba nemogo ye san 4 nataw kōno, a ye foli ni tanuni lase a tabaaw ma an'a demebaa tōw; ka foli kerenkerennenlase Bubari Sidibe ma; a tun ye benkan bolonobila a n'o min ce.

Bubakari Baba Jara y'a jira k'a bēna biro min sigi k'o be ke benkan kōno Malika ntolatantetaa sabatili hukumu kōno.

*Solomani Bobo Tunkara
Dokala Yusufu Jara*

Sitadi Maliyen bōra demifinali la kupu kafu la

Sibiridon okutoburukalo tile 19, san 2013, sitadi Maliyen ni TP Mazenbe ye nōgon sōro Lumunbasi, Kongo demokaratiki jamana kan, kupu kafu demifinali tanko filanan na. TP Mazenbe ye Sitadi Maliyen gosi 1 ni 0. O kuru 1 in donna penaliti la Terezori Nputu fe. Tanko folo la, min kera Bamako yan okutoburukalo tile 6 san 2013, TP Mazenbe tun ye Sitadi Maliyen gosi 2 ni 1. O b'a jira ko Sitadi Maliyen fanga tun ka dōgo Kongokaw kōro. Komasegin na, Sitadi tun ka kan ka kuru 2 don ani TP Mazenbe ce, a ma se k'o ke wa a gosira fana 1 ni 0.

Degelikaramogo Pasikali Zamen n'a ka cedenw ani Sitadi nemogow ka kan k'u ka kofela girinya ani ka bidonna nanaw nini n'u b'a fe ka taa ne. Sitadi Maliyen mako be ntolatanna nanaw na, o te ne wari boli ko ka taa nanaw y'oro nini k'u san.

Mahamadu Konta

Mali musomanninw ye basiketi kupudafiri ta Maputo

Musomannin minnu si te teme san 16 kan, olu ka basiketi kupudafiri tun be senna Maputo Mozambiki jamana kan.

Mali musomanninw tun b'a kene kan. U ni Eziputi musomanninw ye nōgon sōro finali la karidon, okutoburukalo tile 13 san 2013.

Mali ye se sōro Eziputi kan ni 62 ni 61 ye. Kuru kelen min donna u ni nōgon ce, o y'a to ni Mali musomanninw ye kupu ta, ka ke nanaw ye Afiriki bēe kan.

Jamaba bōra k'u kunben Senu pankurunjiginkene na, k'u danda fo minisirijemogo ka baarakayoro la. O kera ntēnendon okutoburukalo tile 4, san 2013. U kunben na pankurunjiginkene kan seko ni dōnko minisiri fe, Birino Mayiga ani Mali Basiketiko Peresidan.

Minisirijemogo Umaru Tatamu Li ye Asetu Jakite n'a tōnjōgonw bisimila a ka baarakayoro la. O kene kan musomanninw n'u degelikaramogow ni nemogo minnu dara u kan ka taa Mozambiki, jirala faamaw la. O kofe basiketiko peresidan ye kumia ta n'o



*Minisirijemogo
Umaru
Tatamu Li
ye Asetu
Jakite n'a
tōnjōgonw
bisimila*

ye Seyidu Jawara ye. A ye foli ni tanuni lase musomannin ninnu ma ka da u ka césiri kan'ani fasokanu. A y'a jira ko labenw tun ma sabati a nema u botuma Bamako, nk'o n'a ta bēe, u sera k'u yere di, k'u ni fili ka na ni kupuye Mali kōno. Jawarake y'a ka kumawlaban ni jamana nemogow foli ye u ka deme na ka nesin basiketi ni basiketikew ma.

Ale bolen ko yen, minisirijemogo Umaru Tatamu Li ye kuma ta, ka musomanninw fo. A ye jamana ka

nisondiya jira an'a ka walenumandon kupu in tali la. N'i y'a laje, Mali tun be nini ka bo jamanaya la, ka n'a ye ko Mali farala dijne jamana tōw kan fo ka kupu ta basiketi la, minisirijemogo y'obasrikada ke, k'a jira musomannin ninnu k'u ye koba de ke n'in ye min tēna bō malidenw kōno n'in waati gelén ninnu na. A y'a sementiya ko jamana ka deme tēna kōtigé denmisén ninnu na an'a ka dugawu.

Yenaje laban na kupu ni jala minnu sōrola Maputo, musomanninw y'olu

di minisirijemogo ma, Jenéba Njayi kera Afiriki kurudonnaw ka nana ye, ka Mariyamu Alu Kulibali ke kurukaseri nana ye; o kupu fila dira minisirijemogo ma, ka fara kupuba yere kan. O kofe minisirijemogo ye donbolo ke Mali musomannin nana ninnu ye.

Nin y'a siñe sabanan ye musomannin minnu si te teme san 16 kan, Mali ka olu ka kupudafiri ta basiketi la. San 2009 kupu in tara Mali fe Bamako yan. San 2011, Mali y'a ta siñe filanan na Eziputi. Maputo ta in kera a siñe sabanan ye san 2013.

N'a fōra an ka tine fo, farikoloneñajé sira kan, Mali sera ka bōda sōro basiketi dōron de la, ni dōw b'a fo a ma sanfecelu. San wooro kōno, Mali ye kupudafiri 7 de sōro : musomannin minnu si te san 16 bō, olu ye 3 sōro.

Olu kōromusow n'a be fo olu ma «Jigiw» olu ye 1 sōro, olu fana kōromusobaw fana ye 1 sōro.

Joliba fana delila ka tōnw ka kupu ta basiketi la,

*Denba Kulibali
Mahamadu Konta*

SAN 2013 OKUTOBURUKALO KIBARU KONOKO

- ne 2 : Kōrōfela kunnafoniw
- ne 3 : Jamanakuntigi ka kangarida ka nesin
 - Kat, Kidali ani Tumutu girigara kēbagaw ma
- ne 4 : Batakiw
- ne 5 : Kalankene n° 134nan : Nafasorosira werew

Dukene n° 108nan : Koperatifuko sariyaw Mali kōno (11)

sariya werew Tigeda tannan

Maakōrōbaro : Naniyajuguya

- ne 6 : Te buruju ye Asi gun ye

- ne 7 : Ofisidinizeri ka sanyeléma laadalatōnsigi 32nan